

MA
1000

**CENTRALNA BANKA
BOSNE I HERCEGOVINE**
Broj: 150-15-4-589- 6 /20 MM
Sarajevo, 11.06.2020. godine

Na osnovu člana 70. stav (1) i (3) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (3), člana 43. stav (1) i člana 45. stav (1) Pravilnika o javnim nabavkama, broj: UV-122-01-1-11/18 RJ od 30. januara 2018. godine, guverner Centralne banke Bosne i Hercegovine donosi

ODLUKU

o izboru najpovoljnijeg ponuđača u postupku javne nabavke robe – klima uređaj za procesno hlađenje server sobe

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku robe - klima uređaj za procesno hlađenje server sobe, dodjeljuje ponuđaču CLIMA TRADE d.o.o. Sarajevo, u svemu prema Ponudi broj: 173-CT/20 od 18.05.2020. godine.

Član 2.

Ponuda ponuđača iz člana 1. ove odluke, nakon završene e-aukcije, iznosi

54.730,00 KM bez PDV-a

(slovima: pedesetsedamhiljadasedamstotinatrideset i 00/100 konvertibilnih maraka)
odnosno

64.034,10 KM sa uračunatim PDV-om

(slovima: šezdesetčetirihiljadetridesetčetiri i 10/100 konvertibilnih maraka).

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti ugovor, za čije se izvršenje zadužuje Odjeljenje za zajedničke poslove Centralnog ureda Centralne banke Bosne i Hercegovine.

Član 4.

Centralna banka će o rezultatima provedenog postupka javne nabavke obavijestiti ponuđače.

Član 5.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.

Član 6.

Ova Odluka će se objaviti na web stranici Centralne banke www.cbbh.ba istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

MA

MA

MA

O b r a z l o ž e n j e

Postupak javne nabavke robe – klima uređaj za procesno hlađenje server sobe, za potrebe Centralne banke Bosne i Hercegovine, otvorenim postupkom, pokrenut je Odlukom, broj: 150-15-4-589-2/20 SAK od 05.02.2020. godine.

U skladu s tim, Centralna banka je 30.04.2020. godine na portalu Javnih nabavki objavila Obavještenje o nabavci broj: 1370-1-1-230-3-142/20.

U predviđenom roku za dostavljanje ponuda, do 18.05.2020. godine do 10:00 sati, blagovremeno su dostavljene četiri ponude i to:

- Grupa ponuđača SES d.o.o. Sarajevo i Alfa Therm d.o.o. Mostar
- Grijanjeinvest d.o.o. Pale
- CLIMA TRADE d.o.o. Sarajevo
- O.D. KLIMA SERVIS Sarajevo.

Nakon roka za prijem ponuda, tačnije 18.05.2020. godine u 10:25 sati, dostavljena je ponuda ponuđača Royal Company d.o.o. Bijeljina. Navedena ponuda je, u skladu sa članom 63. stav (1) Zakona o javnim nabavkama i članom 15. stav (6) Uputstva za pripremu modela tenderske dokumentacije i ponuda ("Službeni glasnik BiH" broj 90/14), evidentirana kao zakašnjela, te je ista neotvorena vraćena pošiljaocu.

Obzirom da sve četiri blagovremeno pristigle ponude ispunjavaju uslove utvrđene u tenderskoj dokumentaciji i da su iste prihvatljive sa navedena četiri ponuđača je zakazana e-aukcija za dan 26.05.2020. godine sa početkom u 11:00 sati. Po završetku e-aukcije prvorangirana ponuda je ponuda ponuđača CLIMA TRADE d.o.o. Sarajevo.

Shodno naprijed navedenom, a u skladu s kriterijem najniža cijena, Komisija za provođenje postupka javne nabavke je u svom Zapisniku o pregledu i ocjeni ponuda, broj: 149-15-4-1237-10/20, i Izvještaju o radu Komisije s Preporukom, broj: 149-15-4-1237-11/20, oba od 04.06.2020. godine, dala preporuku za donošenje odluke kao u dispozitivu.

Cijeneći sve naprijed iznesene činjenice i okolnosti, odlučeno je kao u dispozitivu ove odluke

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

Dostaviti:

- guverneru;
- viceguvernerima;
- Uredu glavnog internog revizora;
- predsjedniku i članovima komisije;
- Odjeljenju za zajedničke poslove;
- Odjeljenju za računovodstvo i finansije (original);
- Odjeljenju za javne nabavke (original);
- u spis predmeta (original)

GUVERNER
dr. Senad Softić



49

na

du